

Geiranger på grønt møte

Merete Løvoll Rønneberg frå Geiranger tar del på SV sin konferanse Grøn næringspolitikk på Sandane 1. og 2. april. Ho skal snakke om «Grøn fjord-partnerskap for iva-retaking og utvikling av verdsarven». Også SV sin eigen Alf Holmelid kjem for å snakke om ein raud og grøn næringspolitikk som skaper arbeidsplassar. Tema for konferansen er overgangen frå oljealderen til nye og grønne næringar. Ei rekkje fagfolk innan ulike felt skal delta på konferansen.



Badeland i Sykkylven?

Asplan Viak AS skal vurdere planane om eit badeland i Sykkylven. Det er ei prosjektgruppe med Trond Bonesmo, Kenneth Brunstad og Kjartan Grebstad i spissen som har engasjert selskapet, skriv Sykkylvsbladetg. Tanken er å er å byggje eit badeanlegg på godsterminaltomta i sentrum av Sykkylven. Arbeidsgruppa ser for seg eit anlegg på 1600–1800 kvadratmeter, med mellom anna eit 25-meters basseng, og elles det som er vanleg å finne i eit badeanlegg.



GEIRANGERREGIONEN: Studentar frå Noregs miljø- og biovitenskaplege universitet var i haust i Stranda og Norddal for å øve seg på analysar av framtidsmoglegheiter for lokalsamfunn i geirangerregionen, først og fremst Geiranger, bygda Norddal og Eidsdal. Det har resultert i ein større rapport. FOTO: JOHAN BEHRENTZ

● Geirangerregionen får hjelp til nye idear av hovudfagsstudentar

– Bør satse på vinterturisme

Ei gruppe hovudfagsstudentar meiner ein strategi for Geiranger er å satse på vinterturisme.

Men då må ein ha ferjetilknytting heile året og heilårsveg med tilknytting til rv15 med tunnelar over Strynefjellet.

34 studentar frå Norges miljø- og biovitenskaplege universitet besøkte (NMBU) Stranda og Norddal kommunar i haust. Dei tok for seg ulike delar av samfunna og utarbeidde strategiar for Geiranger og bygdene Norddal og Eidsdal. Til saman sju grupper utarbeidde strategiar for sine område.

Gåvepakke

– Resultatet er ei real gåvepakke for dei som ynskjer å vidareutvikle dette spennande fjordlandskapet, meiner team-

leiar for kommunikasjon, Morten Ellingsen ved NMBU.

– Dette var eit eventyrleg godt val av stad. Studentane fekk møte ei engasjert lokalbefolkning og dyktige fagfolk som var villige til å dele av sine kunnskapar, relasjonar og verdiar knytt til dette internasjonalt anerkjente fjordlandskapet, seier dei kursansvarlege; Morten Clemetsen, Knut Bjørn Stokke og Kristin Marie Berg frå Institutt for landskapsarkitektur på NMBU i ei melding til Sunnmøringen.

Dei meiner mykje av læringsutbyttet for studentane skuldast at mange personar frå kommunane, organisasjonar og næringsliv lokalt, var til stor hjelp i førebuing og gjennomføring av feltarbeidet.

Studentane som reiste til Geiranger kom frå ulike fagretningar på universitetet, så oppgåvene representerer ei stor



EIDSDAL: Eidsdal og Norddal har moglegheiter for utvikling innan kortreist mat og kulturopplevingar, meiner hovudfagstudentane. FOTO: JOHAN BEHRENTZ

fagleg breidd med utgangspunkt i landskapsarkitektur, by- og regionplanlegging og naturbasert reiseliv.

Stor rapport

No er alle studentoppgåvene

samla i ein felles rapport. Der vil ein finne stoff om moglegheitene som ligg i området, anten ein ønskjer å lese meir om Geirangerregionen i eit samferdsels- og reiselivsperspektiv og korleis innbyggjarane i fram-

tidsbygda Norddal kan samarbeide for å bli ein meir tiltrekkande bustadkommune. Ein kan også lese om korleis samarbeid om kortreist mat frå landbruket og kulturopplevingar frå reiselivet kan vidareutvikle Eidsdal som ein attraktivt stad. Ei gruppe stiller spørsmålet om vern av fjordgardane bør sjåast på som ei ressurs eller avgrensing.

Nasjonalt nivå

Når det gjeld Geiranger meiner ei studentgruppe at det må skapast ein plattform for samarbeid mellom næringar på tvers av dei ulike turistformene. Studentane foreslår meom anna å løfte ansvaret for kulturlandskapet opp til eit nasjonalt nivå, der midlar blir overført direkte til skjøtsel og utvikling av kulturlandsskapet.

JOHAN BEHRENTZ
johan@sunnmoringen.no